

ხელშეკრულება
სახელმწიფო შესყიდვის შესახებ № 01 / 10 / 102
(გამარტივებული შესყიდვა)

ქობილისი

30 აპრილი, 2012 წელი

ჩვენ, ქვემოთ ხელის მომწერნი, ერთის მხრივ, საჯარო რეესტრის ეროვნული სააგენტო (შემდგომში - შემსყიდველი ორგანიზაცია), მისი შესყიდვების სამსახურის უფროსის ლაშა მერაბიშვილის სახით, და მეორეს მხრივ, შპს „იუ ჯი თი“ (შემდგომში - მიმწოდებელი), მისი გენერალური დირექტორის ერმილე სულაძის სახით, ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის დ) ქვეპუნქტის საფუძველზე, გამარტივებული შესყიდვის წესით ვღებთ წინამდებარე ხელშეკრულებას შემდეგზე:

I. ხელშეკრულების საგანი

- 1.1. ხელშეკრულების საგანია საქონლის (შემდგომში-შესყიდვის ობიექტი) შესყიდვა.
- 1.2. საქონლის შესყიდვა გულისხმობს ახალციხის (ქახალციხე) იუსტიციის სახლის საჭიროებისთვის კომპიუტერული ტექნიკის შესყიდვას.
- 1.3. შესასყიდი კომპიუტერული ტექნიკის საიდენტიფიკაციო მონაცემები და ტექნიკური პარამეტრები განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად, რომელიც წარმოადგენს ხელშეკრულების განუყოფელ ნაწილს და თან ერთვის მას.

II. შესყიდვის ობიექტის ღირებულება

- 2.1. შესყიდვის ობიექტის ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად, საქართველოს მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.
- 2.2. ხელშეკრულების საერთო ღირებულება შეადგენს 63253 (სამოცდასამათას ორასორმოცდაცამეტი) ლარს, საქართველოს მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.

III. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდების ვადა განისაზღვრება მომწოდებლის მიერ წარმოდგენილი ფასთა ცხრილის (დანართი №1) შესაბამისად.
- 3.2. შესყიდვის ობიექტის მიწოდების ადგილია ქობილისი, წმ. ნიკოლოზის/ნ.ჩხეიძის ქ.№2.

IV. შესყიდვის ობიექტის მიღება-ჩაბარების წესი

შესყიდვის ობიექტი ჩაითვლება მიღებულად მისი ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

- 5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.
- 5.2. მიმწოდებელს შესყიდვის ობიექტი აუნაზღაურდება უნააღლო ანგარიშსწორებით, ერთიანად, შესაბამისი მიღება-ჩაბარების აქტის გაფორმების შემდეგ, მის მიერ შესაბამისი საგადასახადო ანგარიშ-ფაქტურის წარმოდგენიდან 15 (თხუთმეტი) სამუშაო დღის ვადაში.
- 5.3. ანაზღაურების ადგილია ქ. თბილისი.

VI. მხარეთა უფლება-მოვალეობანი

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2. შემსყიდველი ორგანიზაცია ვალდებულია:
 - აუნაზღაუროს მიმწოდებელს შესყიდვის ობიექტის ღირებულება ხელშეკრულებით გათვალისწინებული პირობების შესაბამისად;
- 6.3. შემსყიდველ ორგანიზაციას უფლება აქვს:
 - განაზოციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
 - მოსთხოვოს მიმწოდებელს მიწოდებული შესყიდვის ობიექტის ინსპექტირების შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დანახარჯის გაწევის გარეშე.

- 6.4. მიმწოდებელი ვალდებულია:

- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
 - შესაბამისი წერილობითი შეტყობინებიდან 10 (ათი) დღის განმავლობაში, საკუთარი ხარჯებით აღმოფხვრას მიწოდებული შესყიდვის ობიექტის ინსპექტირების შედეგად გამოვლენილი დეფექტები;
 - შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;
- 6.5. მიმწოდებელს უფლება აქვს:
- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

ხელშეკრულების შესრულების ინსპექტირებას განახორციელებს შემსყიდველი ორგანიზაციის ინფორმაციული ტექნოლოგიების სამსახურის ტექნიკური მხარდაჭერის მენეჯერი ვიორგი ბაკაშვილი.

VIII. გარანტია

- 8.1. წინამდებარე ხელშეკრულების საფუძველზე შესყიდული შესყიდვის ობიექტის საგარანტიო ვადა განისაზღვრება მომწოდებლის მიერ წარმოდგენილი ფასთა ცხრილის (დანართი №1) შესაბამისად.
- 8.2. საგარანტიო პერიოდის განმავლობაში, წინამდებარე ხელშეკრულების საფუძველზე შესყიდული კომპიუტერების ექსპლუატაციისას, ექსპლუატაციის ნორმების დაცვის პირობებში, დეფექტების გამოვლენის შემთხვევაში, მიმწოდებელი ვალდებულია შეტყობინების მიღებიდან 20 (ოცი) საბუთო დღეში განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.
- 8.3. მიმწოდებლის მიერ 8.2 პუნქტში მითითებული ვალდებულების შეუსრულებლობის შემთხვევაში შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების ანაზღაურება.

IX. მხარეთა პასუხისმგებლობა ხელშეკრულების პირობების დარღვევისას

- 9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.
- 9.2. თუ ხელშეკრულების ერთი მხარე ხელშეკრულებით დადგენილ ვადაში არ ასრულებს ან არაჯეროვნად ასრულებს ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების ჯეროვნად შესრულებისათვის.
- 9.3. ხელშეკრულების მხარის მიერ დამატებით ვადაში ვალდებულების კვლავ შეუსრულებლობის ან არსებითად დარღვევის შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.
- 9.4. ხელშეკრულების მხარეს, მის მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესაბამისი, შეუსრულებელი ვალდებულების ღირებულების 0,08 პროცენტის ოდენობით.
- 9.5. თუ ერთი მხარისთვის დაკისრებული პირგასამტეხლოს ჯამური თანხა გადაჭარბებს შესყიდვის ობიექტის საერთო ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

X. ფორს-მაჟორული სიტუაციები

- 10.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებით, როგორცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე სხვა გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 10.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ან აშკარაა რომ გაგრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

XI. ხელშეკრულების პირობების გადასინჯვა

11.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება შესყიდვის ობიექტის საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებში ხელშეკრულების საერთო ღირებულების გაზრდა დასაშვებია მისი 10 პროცენტის ფარგლებში.

11.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება, 11.1. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XII. ხელშეკრულების მოქმედების ვადა

ხელშეკრულება ძალაშია 2012 წლის 30 აპრილიდან და მოქმედებს 2012 წლის 30 ივლისის ჩათვლით.

XIII. დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XIV. სხვა პირობები

14.1. ამ ხელშეკრულებით გათვალისწინებული პირობები რეგულირდება საქართველოს მოქმედი კანონმდებლობით.

14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე თანაბარი იურიდიული ძალის მქონე ორ ეგზემპლარად. ყოველ ხელმომწერ მხარესთან ინახება ერთი ეგზემპლარი. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.


XV. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

შემსყიდველი ორგანიზაცია:

საჯარო რეესტრის ეროვნული სააგენტო
უფლებამოსილი წარმომადგენლის სახელი და გვარი: ლაშა მერაბიშვილი
მისამართი: ქ.თბილისი, წმინდა ნიკოლოზის რაიონის ჩხეიძის ქ.№2
საბანკო რეკვიზიტები: ს.ს. „საქართველოს ბანკი“ ცენტრალური ფილიალი, ა/ა№008609114,
ბ/კ № BAGAGE22, ს/კ № 202238624

შესყიდვების სამსახურის უფროსი


ლ. მერაბიშვილი



მიმწოდებელი:

შპს „იუ ჯი თი“
უფლებამოსილი წარმომადგენლის სახელი და გვარი: ერმილე სულაძე
მისამართი: ქ.თბილისი, ჭავჭავაძის გამზირი №17ა
საბანკო რეკვიზიტები: ს.ს. „საქართველოს ბანკი“ ცენტრალური ფილიალი,
ა/ა№ GE88BG000000261644601, ბ/კ№BAGAGE22, ს/კ№ 204892964

გენერალური დირექტორი



Handwritten signature and initials.

დანართი #1

ფასთა ცხრილი

#	პროდუქტის აღწერა	რა-მა	ერთ. ფასი	სულ ფასი	მიწოდება
1	HP Compaq LA2306x 23-inch LED Backlit LCD Monitor Warranty - 3 Years	23	483.00 ლარი	11,109.00 ლარი	10 დღე
2	HP TouchSmart 520t All-in-One PC Processor - i3-2120 dual-core processor; Memory - 4GB DDR3-1333MHz SODIMM; Hard drive - 1TB 7200 rpm SATA hard drive; Optical drive - Slim-tray SuperMulti DVD burner; Networking Wireless-N LAN card; Productivity ports 6-in-1 Card Reader, 2 total USB 3.0, audio; Video - Integrated; Sound Card - Integrated sound; Keyboard - HP wireless keyboard; Mouse - HP wireless optical mouse; Warranty - 1 Year	2	4,215.00 ლარი	8,430.00 ლარი	18 დღე
3	DELL XPS L502x Aluminum - Intel Core i7-2670QM processor 2.2GHz, 6MB Cache, 8GB DDR3 1333MHz Memory, 750GB SATA 7200rpm Hard Drive, 15.6" FullHD LED B+RG display with 1920 x 1080 resolution, DVD+/-RW drive, NVIDIA GeForce GT 540M 2GB graphic, 2.1 Audio: 2 X 4W + 12W sub-woofer = 20W total peak audio performance; Gigabit Ethernet, Intel Centrino Wireless-N 1030 1x2 b/g/n + Bluetooth Combo; 2 x USB 3.0, 1 x USB 2.0/eSATA, HDMI, Mini DisplayPort, Card reader, 2MP HD WebCam, 9-cell (2.8Ah) Li-ion Battery, Weight: 2.87kg, FreeDOS, 3 Years Warranty [p/n 272042039]	1	2,740.00 ლარი	2,740.00 ლარი	5 დღე
4	HP Pro 3400 Microtower Business PC Processor - Intel Core i3-2120 Processor (3.3 GHz, 3 MB cache); Memory - 2GB PC3-10600 (DDR3-1333) Memory; Hard Drive - 320 GB 7200pm; Video Card - Integrated; Optical Device - DVD-RW; Keyboard - HP Standard Keyboard; Mouse - HP Scroll Optical Mouse; Warranty - 1 Year	23	856.00 ლარი	19,688.00 ლარი	5 დღე
5	HP LaserJet M1536dnf (CES38A) Print speed - A4: Up to 25 ppm ; First page out -8,5sec ; Processor speed - 500 MHz; Average monthly volume -Up to 8000; Print quality - HP ProRes 1200; Print technology - Laser ; Memory, std -128MB ; Connectivity, std - 10/100 ethernet ; USB 2.0; ADF - 35-sheet automatic document feeder ; Paper trays std - 1; Input capacity std-max -250 ; Output capacity -250; Standard envelope capacity -10 ; Duplex printing -Automatic; Printer Languages -HP Postscript Level 3 Emulation; Fax resolution -Up to 300 x 300 dpi; Fax memory -Up to 400 Pages; Copy speed -Up to 25 Cpm ; Copy resolution - 600x600 dpi ; Maximum number of copies -Up to 99 ; Copy reduce/enlarge settings -25 to 400% ; Scanner type -Flatbed; Maximum scan size -216 x 297 mm; Scan resolution, hardware - Up to 1200 dpi.	12	572.00 ლარი	6,864.00 ლარი	5 დღე
	HP LaserJet CE278EA cartridge	12	148.00 ლარი	1,776.00 ლარი	5 დღე
6	Hitachi CP-X3014WN Projector Warranty - 1 Year	4	2,284.00 ლარი	9,136.00 ლარი	18 დღე
	Projector Mount reflecta TAPA 70-120	4	120.00 ლარი	480.00 ლარი	5 დღე
	87694 Reflecta, CRYSTAL-LINE MOTOR 300x233cm matte white, borders	2	1,515.00 ლარი	3,030.00 ლარი	5 დღე

სულ: 63253.00 ლარი

შემსყიდველი ორგანიზაცია
საჯარო რეესტრის ეროვნული ცენტრი
შესყიდვების სამსახურის უფროსი



ლ. მერაბიშვილი

მიმწოდებელი
შპს "იუჯი-თი"
გენერალური დირექტორი

